

Møteprotokoll

Utvalg: Nasjonalparkstyret for Jotunheimen og Utladalen
Møtestad: Vang kommunehus, Vang
Dato: 27.11.2017
Tidspunkt: 10:00 – 13:40

Følgjande faste medlemmer møtte:

Namn	Funksjon	Representerer
Ivar Kvalen	Leiar	
Bjarne Eiof Holø	Medlem	
Sandra Opheim	Medlem	
Leif Solemsli	Medlem	

Følgjande medlemmer hadde meldt forfall:

Namn	Funksjon	Representerer
Aud Hove	Medlem	
Iselin Jonassen	Nestleiar	
Aleksander Øren Heen	Medlem	

Følgjande varamedlemmer møtte:

Namn	Møtte for	Representerer
------	-----------	---------------

Merknader

Svein Blankenborg var kalla inn for Iselin Jonassen, men heller ikkje han kunne møte
Øystein Andreassen var kalla inn for Aud Hove, men heller ikkje han kunne møte
Aleksander Øren Heen meldte forfall så seint at det ikkje kunne kallast inn vararepr.

Frå administrasjonen møtte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar
Rigmor Solem	SNO

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Ivar Kvalen (sign.)

Leif Solemsli (sign.)

Saksliste

Utvalgs- saksnr	Innhold	Lukket	Arkiv- saksnr
ST	Godkjenning av protokoll/innkalling		
ST	Referatsaker		
RS	Gjendebåten - Passasjerstatistikk 2017		2015/3107
RS	Budsjett for drift Nasjonalparkstyret for Jotunheimen og Utladalen og sekretariat		2017/7169
ST	Delegerte vedtak		
	Delegert vedtak - Dispensasjon - Utladalen landskapsvernområde - Droneflyging i Utladalen - Visit Sognefjord		2017/5946
	Delegert vedtak - Dispensasjon – Jotunheimen nasjonalpark og Utladalen landskapsvernområde – Dronefilming på Galdhøpiggen, Vettisfossen og Utladalen – Tilt Norge AS		2017/5406
	Delegert vedtak - Dispensasjon – Jotunheimen nasjonalpark – Filming med drone i Jotunheimen – Mountains of Norway AS		2017/5323
ST	Jotunheimen nasjonalpark - Dispensasjon - Motorferdsel - 2018-2021 - Memurubu Turisthytte		2017/3788
ST	Sak - Jotunheimen nasjonalpark - Dispensasjon - 2018-2023 - Tinderittet - IL Fanaråk		2017/7037
ST	Jotunheimen nasjonalpark - Dispensasjon - Motorferdsel - 2018 - Snødekt mark - Sledehundløp og bruk av skuter til oppkjøring av eksisterende løyper - Jotunheimen Hundekjørarlag v/ Helge Holshagen		2017/5165
ST	Sak - Jotunheimen nasjonalpark og Utladalen landskapsvernområde - 2018 - Xreid 2018 - Xreid Norway AS		2017/6733
ST	Jotunheimen nasjonalpark - Dispensasjon - Motorferdsel - 2018 - 2020 - Kjøring etter Glitterheimvegen i samband med bremålinger - Norges vassdrags- og energidirektorat		2015/7945
ST	Nasjonalparkstyret for Jotunheimen og Utladalen - Tiltaksmidler og bestillingsdialog med Statens naturoppsyn - 2018		2017/6959
ST	Eventuelt		

ST 51/2017 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 27.11.2017

Vedtak

Dagsorden og innkalling godkjent.

Leif Solemsli vart vald til å signere protokollen saman med styreleiar.

ST 52/2017 Referatsaker

Saksprotokoll i Nasjonalparkstyret for Jotunheimen og Utladalen - 27.11.2017

Vedtak

Referatsakene vart tekne til orientering.

Gjendebåten - Passasjerstatistikk 2017

2015/3107

**Budsjett for drift Nasjonalparkstyret for Jotunheimen og Utladalen
og sekretariat**

2017/7169

ST 53/2017 Delegerte vedtak

Saksprotokoll i Nasjonalparkstyret for Jotunheimen og Utladalen - 27.11.2017

9/2017

**Delegert vedtak - Dispensasjon - Utladalen landskapsvernområde -
Droneflyging i Utladalen - Visit Sognefjord**

2017/5946

10/2017

**Delegert vedtak - Dispensasjon – Jotunheimen nasjonalpark og
Utladalen landskapsvernområde – Dronefilming på Galdhøpiggen,
Vettisfossen og Utladalen – Tilt Norge AS**

2017/5406

11/2017

**Delegert vedtak - Dispensasjon – Jotunheimen nasjonalpark –
Filming med drone i Jotunheimen – Mountains of Norway AS**

2017/5323

Vedtak

Delegerte vedtak vart tekne til orientering.

ST 54/2017 Jotunheimen nasjonalpark - Dispensasjon - Motorferdsel - 2018-2021 - Memurubu Turisthytte

Innstilling frå forvaltar

Nasjonalparkstyret for Jotunheimen og Utladalen gjev med heimel i verneforskrifta for Jotunheimen § 3 pkt. 6.3 c), f), h),j), k), l), m) og o) løyve til motorferdsel i samband med drift og vedlikehald av Memurubu Turisthytte.

Detaljert innhald og spesifiserte vilkår i løyvet går fram av vedlegget.

Løyvet gjeld for fireårsperioden 2018-2021, og vert automatisk forlenga for eitt år om gongen dersom ingen av partane ser behov for revisjon eller justeringar. Heile eller delar av løyvet kan trekkjast attende dersom vilkåra ikkje blir fylgd. Det skal førast kjørebok som dokumenterer oppfølginga, med innsending av rapport innan 1. mai for vintersesongen, og innan 1. november for sommarsesongen. For kjøring med snøscooter på vinterføre skal kjørebok takast med under transporten.

Dersom vanskelege eller manglande isforhold på Gjende gjer det umogleg med transport som er heimla i forskrifta § 3 pkt. 6.3. c) i det fleirårige løyvet, som berre opnar for bruk av beltekjørety, får nasjonalparkforvaltarane delegert fullmakt til å ta rask avgjerd for bruk av traktor (naturmangfaldlova § 48, jf. § 4 i verneforskrifta) eller for bruk av helikopter (verneforskrifta § 3 pkt. 6.3. c). Slik endring krev enkel søknad ved e-post eller SMS, som dokumenterer dei ekstraordinære isforholda og det aktuelle behovet.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 27.11.2017

Bjarne Eiolf Holø stilte spørsmål ved behovet for å avgrense farten på motorbåt til maksimalt 20 knop, og viste til beredskapshensyn ved å ha ein stor båt tilgjengeleg.

Holø fremma alternativt forslag til vedtak når det gjeld pkt. 2.1 i løyvet.

«Til Pkt. 2.1 Bruk av motorbåt på Gjende.

Før det vert sett ei øvre hastigheitsbegrensing ved bruk av transportbåt skal det gjerast ei kvalifisert vurdering av i kva grad ei hastigheit over 20 knop påverkar verneverdiene eller miljøet.»

Forslaget frå Holø fall mot ei røyst.

Nasjonalparkstyret vedtok dispensasjon for 2018-2021 i samsvar med innstillinga.

Vedtak

Nasjonalparkstyret for Jotunheimen og Utladalen gjev med heimel i verneforskrifta for Jotunheimen § 3 pkt. 6.3 c), f), h), j), k), l), m) og o) løyve til motorferdsel i samband med drift og vedlikehald av Memurubu Turisthytte.

Detaljert innhald og spesifiserte vilkår i løyvet går fram av vedlegget.

Løyvet gjeld for fireårsperioden 2018-2021, og vert automatisk forlenga for eitt år om gongen dersom ingen av partane ser behov for revisjon eller justeringar. Heile eller delar av løyvet kan trekkjast attende dersom vilkåra ikkje blir fylgd. Det skal førast kjørebok som dokumenterer oppfølginga, med innsending av rapport innan 1. mai for vintersesongen, og innan 1. november for sommarsesongen. For kjøring med snøscooter på vinterføre skal kjørebok takast med under transporten.

Dersom vanskelege eller manglande isforhold på Gjende gjer det umogleg med transport som er heimla i forskrifta § 3 pkt. 6.3. c) i det fleirårige løyvet, som berre opnar for bruk av beltekjørey, får nasjonalparkforvaltarane delegert fullmakt til å ta rask avgjerd for bruk av traktor (naturmangfaldlova § 48, jf. § 4 i verneforskrifta) eller for bruk av helikopter (verneforskrifta § 3 pkt. 6.3. c). Slik endring krev enkel søknad ved e-post eller SMS, som dokumenterer dei ekstraordinære isforholda og det aktuelle behovet.

ST 55/2017 Sak - Jotunheimen nasjonalpark - Dispensasjon - 2018-2023 - Tinderittet - IL Fanaråk

Saksprotokoll i Nasjonalparkstyret for Jotunheimen og Utladalen - 27.11.2017

Vedtak

Nasjonalparkstyret for Jotunheimen og Utladalen gjev med heimel i § 3 pkt. 5.2 i verneforskrifta for Jotunheimen nasjonalpark, dispensasjon for å arrangere Tinderittet i 2018-2023.

Løyvet gjeld med følgjande vilkår:

- Arrangementet vert lagt til 1. påskedag
- Deltakarar og tilskodarar skal gjerast kjende med at delar av arrangementet skjer i ein nasjonalpark, og at det i parken skal takast særlege omsyn til naturmiljøet
- I nasjonalparken skal det ikkje nyttast motoriserte køyretøy unnateke til konkret skadetransport.
- Stikking og merking av den delen av løypetraseen som går i nasjonalparken skal fjernast så raskt dette lèt seg gjere etter at arrangementet har funne stad
- Det skal ikkje setjast opp reklame i nasjonalparken
- Støy skal haldast på eit lågt nivå, t.d. skal høgtalaranlegg o.l. ikkje nyttast til anna enn vanleg/ naudsynt speakerteneste i tilknytning til rennet.
- Etter første gjennomføring skal arrangementet evaluerast. Dersom omfanget av arrangementet fortrenger andre besøkande eller har negativ påverknig på verneverdiane, kan løyvet inndras.
- Statens naturoppsyn v/ Rigmor Solem skal varslast i god tid før rennet blir arrangert
- Dette løyvet gjeld t.o.m. 2023.

Nasjonalparkstyret gjev ikkje løyve til motorferdsel i samband med arrangementet som omsøkt (unnateke ved konkrete skadar). Det er forvaltningspraksis for å unngå motorferdsel i påska og andre tiltak bør nyttast for å redusere potensialet for alvorlege skadar. Tilsvarande arrangement vert gjennomført i nasjonalparken utan slik motorferdsel.

ST 56/2017 Jotunheimen nasjonalpark - Dispensasjon - Motorferdsel - 2018 - Snødekt mark - Sledehundløp og bruk av skuter til oppkjøring av eksisterende løyper - Jotunheimen Hundekjørarlag v/ Helge Holshagen

Saksprotokoll i Nasjonalparkstyret for Jotunheimen og Utladalen - 27.11.2017

Vedtak

Jotunheimen Hundekjørarlag v/ Helge Holshagen får med heimel i § 4 i verneforskrifta for Jotunheimen nasjonalpark, jf. naturmangfaldlova § 48, dispensasjon for å arrangere sledehundløpet JOTUNHEIMLØPET 5.-8. april 2018, med følgjande vilkår:

1. Dispensasjonen gjeld oppkjøring og merking av løype på den delen av strekninga Gjendesheim-Gjendebu-Bygdin som ligg innan nasjonalparken, jf. kart i søknaden.
2. Det kan nyttast to scooterar m/ slede for tilrettelegging av traseen på førehand, og opprydding etter løpet, etter følgjande opplegg.
 - 1 tur nokre dagar før for å stikke og merke løypa
 - 1 tur rett i etterkant for å rydde opp og fjerne merking.
3. Dersom det blir vind/snø mellom merking og løpsdato, *kan* det i tillegg kjørast 1 tur rett i forkant av løpet for å kvalitetssikre sporet.
4. SNO v/ Rigmor Solem skal ha melding om dato og reg.nr. køyrety seinast dagen før via e-post (rigmor.solem@miljodir.no) eller melding til mobilnummer 959 65 158.
5. Det blir ikkje gjeve løyve til å kjøre ein tur i god tid før løpet for å detaljplanlegge
6. Arrangøren er ansvarleg for at funksjonærar, deltakarar og publikum blir gjort kjent med kva del av løypa som går i nasjonalparken, og at det er særlege reglar for ferdsel her.
7. Fysisk merking og sikringsutstyr skal fjernast så raskt som mogleg etter rennet.
8. Etter at arrangementet er gjennomført, skal løype og tilskuerplassar sjekkast, og eventuell søppel fjernast same dag som rennet blir avvikla.
9. Reklame skal ikkje plasserast i nasjonalparken.
10. Høgtalaranlegg skal ikkje brukast innan nasjonalparken, jf. verneforskrifta § 3, pkt. 7.3.
11. Arrangøren skal innan ein månad etter rennet sende rapport til nasjonalparkforvaltninga, med oversikt på deltakartal og oppsummering av avviklinga.

Løyvet gjeld i høve til verneforskrifta. I tillegg krevst løyve i medhald av motorferdsellova frå dei aktuelle kommunane, og frå grunneigar, jf. motorferdsellova.

Arrangement og konkurransar er blant tema som blir nærare vurdert ved revisjon av forvaltningsplanen.

ST 57/2017 Sak - Jotunheimen nasjonalpark og Utladalen landskapsvernområde - 2018 - Xreid 2018 - Xreid Norway AS

Saksprotokoll i Nasjonalparkstyret for Jotunheimen og Utladalen - 27.11.2017

Vedtak

Nasjonalparkstyret for Jotunheimen og Utladalen gjev med heimel i § 3 pkt. 5.2 i verneforskriftene for Jotunheimen nasjonalpark og Utladalen landskapsvernområde, dispensasjon for å arrangere Xreid 2018.

Løyvet gjeld med følgjande vilkår:

- Arrangementet er planlagt 29.juni – 01.juli.
- Deltakarar og tilskodarar skal gjerast kjende med at delar av arrangementet skjer i eit verneområde, og at det skal takast særlege omsyn til naturmiljøet
- Merking av den delen av løypetraseen som går i verneområdet skal fjernast så raskt dette lèt seg gjere etter at arrangementet har funne stad
- Det skal ikkje setjast opp reklame i verneområdet
- Støy skal haldast på eit lågt nivå, t.d. skal høgtalarlegg o.l. ikkje nyttast til anna enn vanleg/ naudsynt speakerteneste.
- Gjennomføringa av løpet skal skje i samsvar med søknaden med krav til deltakarane om utstyr for å klare seg i fjellet og satellitt-tracker og rydding av søppel mm. av baktropp.
- Statens naturoppsyn v/ Rigmor Solem skal varslast i god tid før rennet blir arrangert

Til orientering er det forbod mot motorferdsel og bruk av drone i verneområdet.

ST 58/2017 Jotunheimen nasjonalpark - Dispensasjon - Motorferdsel - 2018 - 2020 - Kjøring etter Glitterheimvegen i samband med bremålinger - Norges vassdrags- og energidirektorat

Saksprotokoll i Nasjonalparkstyret for Jotunheimen og Utladalen - 27.11.2017

Vedtak

NVE får med heimel i naturmangfaldlovas § 48, jf. § 4 i verneforskrift for Jotunheimen nasjonalpark, dispensasjon for nødvendig biltransport etter Glitterheimvegen i samband med bremålingar i Jotunheimen nasjonalpark, jf. søknad av 07.11.17.

Dispensasjonen gjeld med følgjande vilkår:

1. Løyvet gjeld for perioden 2018-2020, og er eit supplement til løyve gitt i sak 13/2016.
2. Motorferdsel er knytt til transport av utstyr for målingar på Gråsubreen (61°39'N, 8°37'Ø). Løyvet gjeld for inntil 3 turar årleg på strekninga frå bommen og inn til Gråsubekken.
3. SNO v/ Rigmor Solem skal ha melding om dato seinast dagen før transport. Mobil 959 65 158, eller e-post rigmor.solem@miljodir.no
4. Nasjonalparkforvaltninga ber om årleg tilbakemelding ved e-post innan utgangen av året, som viser samla omfang av motorferdsel knytt til NVE si verksemd i nasjonalparken.

ST 59/2017 Nasjonalparkstyret for Jotunheimen og Utladalen - Tiltaksmidler og bestillingsdialog med Statens naturoppsyn - 2018

Saksprotokoll i Nasjonalparkstyret for Jotunheimen og Utladalen - 27.11.2017

Bjarne Eiolf Holø stilte spørsmål om habiliteten sin, sidan han nå er eigar av Krossbu Turisthytte, ved ein av innfallsportane til nasjonalparken.

Nasjonalparkstyret vedtok at Holø er habil til å delta i behandling av saka.

Vedtak

Nasjonalparkstyret for Jotunheimen og Utladalen sluttar seg til at det vert søkt om tiltaksmidlar via elektronisk søknad til bestillingsdialogen 2018 til følgjande tiltak – jf. vedlagt forslag til tiltaksplan:

Informasjon/tilrettelegging i tråd med besøksstrategi og forvaltningsplan

- Pilot innfallsport Sognefjellshytta ved Fv. 55 – slutføring og opning av anlegget.
- Tilrettelegging rundt informasjonstavler/skilt på Krossbu og Turtagrø i samband med implementering av ny merkevare langs Fv. 55
 - Natursti Krossbu
 - Rundtur Turtagrø
- Forprosjekt Eidsbugarden – planlegge informasjon i samarbeid med kommunen
- Kundereiseprosjekt (felles med Breheimen, Jostedalsbreen og Reinheimen)
- Nye merkevareskilt i Gjendeområdet:
 - Gjendebu – Memurubu – Gjendesheim.
 - Oppgradering Besseggen-skilt
- Bidrag til utvikling av nye utstillingar på Norsk fjellsenter i Lom
- Mobil natursti

Vedlikehald av stinettet i Jotunheimen og Utladalen. Prioritering av tiltak etter tildeling

- Vedlikehald og førebyggjande tiltak på plassar med skade eller fare for erosjon
- Vintervegen Fannaråken
- Vedlikehald Vettisfossen nede og oppe
- Kloppegging av blaute parti Krossbu – Bøverbrean
- Kanalisering og erosjonssikring av parti på stigen frå Spiterstulen mot Galdhøpiggen

Skjøtsel, vidareføring av etablert opplegg:

- Slått på Skåri, Avdalen og Vetti (heimre Utladalen)
- Styrte beite på Skåri, Avdalen og Vetti (heimre Utladalen)
- Styving/rising av alm og lind. Vedlikehald av styvingstre i heimre Utladalen
- Krattrydding/vedlikehald Guridalen
- Styrte beite ved Gjendebu (geit)
- Styrte beite ved Gjendebu (storfe)
- Kratt og skogrydding/vedlikehald Gjendebuområdet
- Slått av kve ved Gjendebu som kurs i tradisjonsformidling og biologisk mangfald

Andre tiltak

- Skuleopplegg
- Vedlikehald og drift av eksisterande tiltak

Endeleg prioritering av tiltak blir gjort på nyåret 2018, etter at tildeling av midlar er klart. Nasjonalparkstyret vurderer god besøksforvaltning som ei særleg viktig oppgåve, da dette skal

gje grunnlag for bruk av verneområda som ein ressurs for lokalsamfunnet. For å kunne nytte nasjonalparkane som merkevare og trekkplaster i reiselivet, er det nødvendig at bruken skjer på ein berekraftig måte som ikkje går ut over verneverdiane. Det må derfor satsast på informasjon, kanalisering av ferdsel utanom sårbare område, og restaurering og tilrettelegging i område definert som bruksområde som toler meir intensiv bruk.

Bestilling av tenester frå SNO:

- Oppfølging av ferdselsteljarar på Sognefjellet, ved Besseggen og mot Galdhøpiggen (eco-counter)
- Administrasjon av tilrettelegging og vedlikehald stignett. Kartlegge behov
- Oppfølging av prioriterte skjøtselstiltak i medhald av plan
- Kartlegging og overvaking av rovfuglar og villrein
- Barnas Naturoppsyn og andre skuleopplegg
- Oppsyn/kontroll av motorferdselløyve på vinterføre i samband med påska.
- Kartlegging av bygningar i nasjonalparken og landskapsvernområdet

ST 60/2017 Eventuelt

Saksprotokoll i Nasjonalparkstyret for Jotunheimen og Utladalen - 27.11.2017

Orienteringar

- Prosjekt ved Vettisfossen
Status og samordning med innfallsporten ved Utladalen Naturhus
- Forslag frå Sandra Opheim om å setja nasjonalparkforvaltning på dagsorden i dei einskilde kommunestyra.
Nasjonalparkforvaltar og eventuelt SNO kan koma og orientere ved behov.
- Forenkling av utmarksforvaltninga, pilotprosjekt Lom/Jotunheimen
Kommunal- og Moderniseringsdepartementet har løyvd midlar.
Fjellsenteret og Lom kommune er hovudaktørar.
Nasjonalparkforvaltar i Lom deltek i prosjektgruppa.
- Møteplan 2018 (blir supplert med AU-møte og styremøte etter behov)
 - * Telefonmøte januar/februar
 - * Fysisk møte mars/april
 - * Hovudsamling med synfaring til Galdhøpiggen ønskjeleg i august
 - * Det er planlagt opning av anlegget ved Sognefjellshytta i august
 - * Detaljar blir drøfta når møteplanane for kommunale og fylkeskommunale møte er klare